



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

Quandonam obligatur quis Missas celebrare si differtur solutio stipendii,
nu. 12.

urn:nbn:de:hbz:466:1-41878

tes Missas ad aliud onus Sacerdotes obligare, nec Sacerdotes ad aliud onus se obstringere, nisi ad hoc, ut, si Sacrum dicant, reddant stipendium receptum. Et quidem merito, nam Impetratio, seu spes Impetrationis, & similia bona spiritualia, cum sint inæstimabilia, sub pretium temporale cadere non possunt, adeoque de illis contrahere sub obligatione illa restituendi Fideles non præsumuntur. Nam propterea Doctores & de hac re differentes, dum absolutè sine mentione alterius docent debere reddi eleemosinam, videntur docere non habendum esse respectum ad illud aliud damnum spirituale. Facit quod mox dicam n. 18.

Quando nam obligatur quis Missas celebrare, si differtur solutio stipendij.

12. **H**VC præsens quaestio commode revocatur, licet non-

V u 6 nul-

a Bonac. Rodriq. Homob. NAVARR.
Erasmell. loc. cit.

nulla etiam, quæ ad idem facere possunt, dicenda nobis sint infra c. 3. §. 1.

Dubitabis ergo Quarto in hunc modum, Ecclesia, seu Monasterium debet Missam quotidianam ex legato, seu Capellania titulo oneroso, hoc est, ex accepto redditu annuo ad hunc finem. Accidit autem, ut siue Hæredes, siue ii, ad quos pertinet censum solvere, non sint solliciti ad solvendum, obligaturne Ecclesia antequam pecuniam exigat Missas celebrare?

Respondeo. Si facta morali diligentia (ad quam faciendam certe obligo Ecclesiam, posito, quod acceptavit) certa mortaliter spes ad est recuperandi non multo post tempore pecuniam, obligatur. Ratio est, quia Ecclesia jam contraxit onus, & acceptavit, ut suppono: & ex alio capite tales exactiones in communi hominum convictu semper solent esse difficiles; nec propterea cessamus ab illis acceptandis.

dis, vel putamus ad nihil ex illis obligari. Quod si non sit talis spes, vel certe iudicio prudentis, post multum notabile tempus, tunc posse Ecclesiam, seu Capellanum celebrationem Missarum differre probabile puto, quia non est æquum, laborantem me, alium gratis meis laboribus gaudere. Idem censeo, si adsit aliqua spes dubia, vel etiam probabilis, sed non sit mortaliter certum, quia ob incertum stipendium non tenemur subire certum onus. *a* Hinc si ratione belli, vel pestis non sit spes, ut solvantur consueti redditus Capellaniæ, non tenetur ad Missas Capellanus: immò si spe talis redditus bona fide Missas aliquot celebravit, potest deinde etiam post multos annos, quando forte solvi redditus incipient, dictas Missas cum præsentis censu compensare

V u 7

quia

a Palud. in 4. dist. 15. q. 1. art. 1. Solutus lib. 10. de Instit. q. 5. art. 3. Turrescremata cap. Clericus dist. 91. Azor. 6. lib. 10. c. 3. q. 9.

quia nemo cogitur suis stipendiis militare. Quando talis dilatio census ea per aliquot annos est, ut deinde tota simul summa habeatur à Capellano, quid faciendum sit, diximus §. 3. n. 86.

13. Porro si Testator assignat nunc initio anni v. g. censum annuum, vel prædium, cujus fructus habebitur in fine anni, obligabitur ne Ecclesia, vel Sacerdos, qui tale legatum accepit, Missas celebrare initio anni, an poterit in anni finem, seu post exactum annum, habita nimirum jam pecunia, Missas celebrandas differre?

Respondeo. Puto initio anni, nisi aliud explicitè, vel implicitè conventum fuerit. Ratio est, quia, ut modo dixi, jam in hoc casu est certa spes stipendii, & ex alia parte; accepto jam à te censu, tibi incumbit satisfacere more communi hominum, ut dictum est, & raro in serviitiis personalibus prius solvitur tota saltem pecunia, quam adhibeatur
servi-

servitium, cum videamus passim
 artifices prius operari, & famulos
 servire, & postea eis mercedem red-
 di. Certè si nunc Mense Januarii ti-
 bi detur possessio v.g. Episcopatus,
 cujus emolumenta constant in an-
 nuo censu, qui provenit, vel ex præ-
 diis, vel ex decimis, vel similibus
 colligendis in fine anni, nonne nunc
 ab ipso initio anni Ecclesiæ serves,
 tuæque Diocesis curæ vacabis? ita
 sanè à die collationis ^a vel saltem
 sine controversia à die possessionis,
^b quia posito quod sis Episcopus,
 tibi illa onera incumbunt: pari igi-
 tur modo videtur esse in quolibet
 alio Beneficio, vel Capellania, seu
 onere acceptato Missarum. Non sic
 in eleemosyna manuali, quia cum si
 incertum, an illa habiturus sis, cum-
 que nondum istam acceptaveris, ju-
 re expectas, donec illa tibi tribua-
 tur. Quod si promittas nunc Missam
 cele-

^a Navarr, de orat. cap. 27 n. 29. ^b
 Flam. Parisius lib. 1. de Resignat q 9. n.
 15. ex more curia.

celebrare pro futuro stipendio, tunc non est mirum, quod nunc celebrare teneris, quia accedit expressa conventio.

14. Vnum adverto, posse afferri disparitatem inter Beneficiatum, vel Capellanum, & inter merum legatarium Missarum, nam Beneficiatus, vel Capellanus, ut dictum est de Episcopo, acceptat totum onus Beneficii, vel Capellaniæ, & consequenter tenetur ex nunc onus Missarum satisfacere, quod est titulo Beneficii, vel Capellaniæ annexum; at legatario solum incumbit opus merum Missarum, quod, quia non obligatur explere, nisi propter eleemosynam, & non propter titulum, videtur æquiparari accipienti eleemosynam manualet, atque adeo (salvo meliore iudicio) posse expectare, ad Missas satisfaciendas, donec habeat eleemosynam legati, & quamvis legatum acceptaverit, videtur posse se tueri, (nisi aliud implicite, vel explicitè fuerit conventum

tum cum legante, quod est facili-
 mum, quando acceptant hujusmo-
 di legata desiderata Sacerdotes) di-
 cendo se acceptavisse pro suo tem-
 pore. Adde multum rationabile es-
 se, quod ea, quæ debet quis pro ali-
 mentis alicujus, debeat solvere an-
 ticipate; ad sustentationem enim
 meam non debeo expectare finem
 anni. At stipendium hoc de quo lo-
 quimur accipitur per se ob susten-
 tationem Sacerdotis, ergo ni anti-
 cipate detur, non videtur ipse obli-
 gari, quando non consentit ad post-
 positam solutionem. Sed hæc ut di-
 xi, (salvo meliore judicio) dubita-
 tive sint dicta.

*De obligatione promittentis, accepto
 stipendio, Missas, & non satis-
 facientis.*

15. **D**ubitabis Quinto hac oc-
 casione quid peccet, & ad
 quid teneatur Sacerdos, qui ac-
 cepto stipendio pro Missis, illas
 non celebrat?

Re-